

Na osnovu odredbi člana 58. stav 8. Zakona o upravljanju otpadom ("Službene novine Federacije BiH", br. 33/03 i 72/09), ministrica Federalnog ministarstva okoliša i turizma donosi

**PRAVILNIK
O IZMJENAMA I DOPUNAMA PRAVILNIKA O
UPRAVLJANJU OTPADOM OD ELEKTRIČNIH I
ELEKTRONSKIH PROIZVODA**

Član 1.

U Pravilniku o upravljanju otpadom od električnih i elektronskih proizvoda ("Službene novine Federacije BiH", broj 87/12) u članu 6. iza tačke (2) dodaje se nova tačka (3) koja glasi:

"Distributeri u trgovinama sa minimalno 400 m² prodajne površine za električnu i elektronsku opremu, dužni su osigurati sakupljanje veoma male otpadne električne i elektronske opreme (vanjska dimenzija nije veća od 25 cm), što je za krajnjeg korisnika besplatno i bez obaveze kupovine električne i elektronske opreme jednakovrijedne vrste."

"Dosadašnje tač. (3), (4), (5), (6), (7), (8), (9) i (10) postaju tač. (4), (5), (6), (7), (8), (9), (10) i (11)".

Član 2.

U članu 10. dodaje se nova tačka (1), koja glasi:

"Distributeri koji stavljaju prvi put opremu na tržište dužni su se uključiti u sistem te na taj način ispunjavati obavezu upravljanja i zbrinjavanja otpadnom električnom i elektronskom opremom. Za ostalu opremu koju prodaju su u obavezi da od proizvođača i uvoznika obezbijede dokaz da su svoju električnu i elektronsku opremu uključili u sistem. U protivnom, odgovorni su da te proizvode sami uključe u sistem i da za iste plaćaju naknadu".

"Dosadašnje tač. (1), (2), (3) i (4) postaju tač. (2), (3), (4), i (5)".

Član 3.

U članu 11. tačka (5) iza riječi "umnožak" mijenja se tekst i glasi:

"mase opreme stavljene na tržište teritorije Federacije Bosne i Hercegovine sa koeficijentom naknade u Prilogu 7".

U članu 11. tač. (7) i (8) mijenjaju se i glase:

"Obračunata naknada iz st. 4. i 5., za one obveznike koje se ne uključe u sistem operatera, plaća se Fondu za zaštitu okoliša nakon što isti izda Rješenje.

Izveštaj "Obračun naknade" obveznici koji su uključeni preko operatera sistema, podnose isti u tri primjerka neposredno operateru sistema, putem pošte i elektronskim putem, a koji potom dostavlja po jedan primjerak Federalnom ministarstvu i Fondu za zaštitu okoliša. Obveznici koji se ne uključe preko operatera sistema podnose izvještaj neposredno, putem pošte i elektronskim putem, ministarstvu i Fondu za zaštitu okoliša"

U članu 11. u tački (11) iza riječi "operaterom sistema" dodaju se riječi: "u roku od 60 dana od dana dostavljanja validnog izvještaja od obveznika plaćanja naknade".

U članu 11. Iza tačke (11) dodaje se nova tačka (12), koja glasi:

"Rješenje iz tačke (11) ovog člana sadrži konačan obračun iznosa naknade za prethodni obračunski period kao i rokove plaćanja naknade".

"Dosadašnje tač. (12) i (13) Postaju tač. (13) i (14)".

U članu 11. iza tačke (14) dodaju se nove tač. (15), (16), (17), i (18) i koje glase:

"Proizvođač i uvoznik imaju mogućnost da u dogovoru sa distributerom prilikom prodaje opreme u cijenu iste posebno navedu i prikažu troškove plaćanja naknade za upravljanje otpadom, koji nastaju zbog zahtjeva postavljenih ovim Pravilnikom.

Naknade koje se uplaćuju Fondu za zaštitu okoliša se namjenski troše za upravljanja otpadom od električnih i elektronskih proizvoda. Fond za zaštitu okoliša će planirati namjenski utrošak sredstava planom na godišnjem nivou usaglašeno sa ministarstvom.

Operater sistema je u obavezi kvartalno dostavljati obavještenje Fondu za zaštitu okoliša sa podacima o proizvođačima i uvoznicima koji su prenijeli obavezu upravljanja i zbrinjavanja otpadne opreme na operatera sistema.

Ukoliko proizvođači i uvoznici ne dostave Izvještaj u rokovima navedenim u tački (3) ovog člana, ili u datom roku ne isprave nedostatke sa dostavljenog izvještaja Fond dostavlja poziv proizvođaču i uvozniku za dostavu Izvještaja sa upozorenjem da će istima biti, u roku od 15 dana od dana izdavanja upozorenja, obračunata opšta naknada i naknada za upravljanje, koje su navedene u Tabeli 1. i 2. Priloga 7. ovog Pravilnika, a na osnovu dostupnih podataka od nadležnih organa, koji posjeduju podatke o uvozu električne i elektronske opreme."

Član 4.

U članu 12. iza tačke (7) dodaju se nove tač. (8), (9) i (10), koje glase:

"Naknade koje će utvrditi operater sistema za ugovorene obveznike sistema trebaju biti jednake za osnivače i ugovorene obveznike sistema.

Operater sistema ne može imati svoju vlastitu infrastrukturu za upravljanje otpadom, osim osnovne opreme za sakupljanje.

Organizacija operatera sistema mora biti strukturirana na način da se izbjegne sukob interesa sa pravnim i fizičkim licima koji mu pružaju usluge i koji od njega primaju finansijsku nadoknadu."

Član 5.

U članu 15. dodaje se nova tačka (1), koja glasi:

"Operater sistema je dužan dostavljati spisak svih proizvođača i uvoznika Federalnom ministarstvu okoliša i turizma i Fondu za zaštitu okoliša na kvartalnom nivou, sa ciljem efikasnijeg uključenja i praćenja evidentiranih uvoznika električne i elektronske opreme u Bosni i Hercegovini."

"Dosadašnje tač. (1), (2) i (3) postaju tač. (2), (3) i (4)".

U članu 15. tačka (3) dodaju se nove alineje i glase:

- "dokaze o načinu ponovne upotrebe, obrade, prerade i zbrinjavanja električnog i elektronskog otpada te njegovih sastavnih dijelova i tvari, te količinama za koje je dužan voditi evidenciju u skladu sa članom 9. tačka (10).
- Izvještaj sa pregledom troškova upravljanja preuzetom i prikupljenom otpadnom opremom od električnih i elektronskih uređaja.
- Izvještaj sa pregledom ulaganja u sistem upravljanja električnim i elektronskim otpadom i jačanje javne svijesti".

U članu 15. iza tačke (4) dodaju se nove tač. (5) i (6) koje glase:

"Operater sistema je u obavezi da podatke iz tačke (3) ovog člana i dokaze o ispunjenju ciljeva dostavi u formama izvještaja propisanim od strane Fonda za zaštitu okoliša."

Međuentitetsko tijelo za okoliš prati stanje upravljanja otpadom od električnih i elektronskih proizvoda u sistemu upravljanja električnim i elektronskim otpadom, koordinira aktivnosti između entiteta i Brčko Distrikta i objedinjuje izvještaje o količini, masi i vrsti električne i elektronske opreme, koja je stavljena na tržište Bosne i Hercegovine.

Član 6.

Član 17. mijenja se i glasi:

"Nadzor nad primjenom ovog Pravilnika provoditi će inspektori zaštite okoliša i tržišni inspektori Federalne i kantonalne uprave za inspeksijske poslove.

Vlada Federacije BiH će svojom odlukom uspostaviti Koordinaciono tijelo za praćenje implementacije Pravilnika.

U radu Koordinacionog tijela učestvuje po jedan predstavnik iz:

- Federalnog ministarstva okoliša i turizma,
- Fonda za zaštitu okoliša Federacije BiH,
- Federalne uprave za inspeksijske poslove i
- operatera sistema koji imaju dozvolu Federalnog ministarstva okoliša i turizma.

Predstavnici operatera sistema iz stava 4. ovog člana nisu punopravni, već su pridruženi članovi Koordinacionog tijela".

Član 7.

U članu 18. iza tačke (3) dodaje se nova tačka (4), koja glasi:

"Neuključivanje proizvođača i uvoznika znači akumuliranje zakonskih obaveza i njihovo retroaktivno ispunjavanje od dana donošenja Pravilnika, odnosno akumuliranje obaveza i njihovo retroaktivno ispunjavanja od dana početka obavljanja djelatnosti tj. od datuma stavljanja otpadne električne i elektronske opreme po prvi put na tržište."

"Dosadašnje tač. (4) i (5) postaju tač. (5) i (6)".

Član 8.

U Prilogu 7. tačka (1) Tabele 1. i 2. mijenjaju se i glase:

"Svi uvoznici i proizvođači električne i elektronske opreme plaćaju opštu naknadu u iznosu od 0,02 KM po kilogramu električne i elektronske opreme stavljene na tržište Federacije Bosne i Hercegovine Fondu za zaštitu okoliša za administrativne troškove provođenja ovog Pravilnika."

Tabela 1. Koeficijent naknade po razredima električne i elektronske opreme

Koeficijent naknade po razredima električne i elektronske opreme	Naknada za upravljanje
Razred i podrazred električne i elektronske opreme	KM/kg
Razred 1 - veliki aparati za domaćinstvo	0,3
Razred 1.a - aparati za hlađenje i zamrzavanje	1
Razred 2 - mali aparati za domaćinstvo	0,3
Razred 3 - oprema informatičke tehnologija (IT) i oprema za telekomunikacije	0,6
Razred 3.a - monitori	4
Razred 4 - oprema široke potrošnje za rasonodu	1
Razred 4.a - televizijski prijemnici	4
Razred 5 - oprema za osvjjetljenje: osvjjetljenja	0,3
Razred 5.a - oprema za osvjjetljenje: sijalice ostale	5
Razred 6 - električni i elektronski alati (osim velikih nepokretnih industrijskih alata)	0,3
Razred 7 - igračke, oprema za rekreaciju (razonodu) i sport	0,6
Razred 8 - medicinske naprave (osim implantiranih i infektivnih proizvoda)	4
Razred 9 - instrumenti za praćenje i nadzor	4
Razred 10 - automati	0,3

Član 9.

"U Prilogu 8. Tabela 1. mijenja se i glasi: "Registarski podaci obveznika plaćanja naknade", a koja se nalazi u prilogu 1 i čini sastavni dio ovog pravilnika".

"U Prilogu 8. dodaje se nova Tabela 2. koja glasi: "Količina i vrsta otpada od električnih i elektronskih proizvoda za period od _____ godine", a koja se nalazi u prilogu 2 i čini sastavni dio ovog pravilnika".

Član 10.

Ovaj pravilnik stupa na snagu osmog dana od dana objavljivanja u "Službenim novinama Federacije BiH".

Broj 04-23-1360/14
23. decembra 2014. godine
Sarajevo

Ministrica
Branka Đurić, s. r.

PRILOG 1
Registarski podaci obveznika plaćanja naknade

REGISTARSKI PODACI OBVEZNIKA PLAĆANJA NAKNADE ZA OTPAD OD ELEKTRIČNIH I ELEKTRONSKIH PROIZVODA		
1.	OSNOVNI PODACI O PRAVNOM LICU	
1.1	Puni naziv pravnog lica	
1.2	Kanton	
1.3	Grad	
1.4	Poštanski broj	
1.5	Ulica i broj	
1.6	Telefon i faks	
1.7	E-mail	
1.8	Web	
1.9	Identifikacioni broj (ID)	
1.10	PDV broj (ukoliko je registrovan u sistemu PDV-a)	
1.11	Naziv i šifra djelatnosti	
2.	KATEGORIJA PRAVNOG LICA	
2.1	Proizvođač	
2.2	Uvoznik	
3.	PODACI OVLAŠTENOG LICA KOJE PREDSTAVLJA PRAVNO LICE	
3.1	Ime i prezime	
3.2	Funkcija	
3.3	Telefon i e-mail	
4.	PODACI O PRAVNOM LICU NA KOJE JE PRENEŠENA OBAVEZA UPRAVLJANJA OTPADOM	
4.1	Puni naziv pravnog lica	
4.2	Registarski broj pravnog lica	
4.3	Telefon i e-mail	
4.4	Potpis i pečat odgovornog lica operatera sistema	
Izjava: Pod punom materijalnom i krivičnom odgovornošću izjavljujem da su svi podaci navedeni u izvještaju istiniti, a količine tačne ili procjenjene u skladu sa važećom zakonskom regulativom		
Ime i prezime ovlaštenog lica:		Pečat:
Potpis ovlaštenog lica:		
Mjesto i datum:		

PRILOG 2

Količina i vrsta otpada od električnih i elektronskih proizvoda

Oznaka razreda	Naziv razreda	Naziv podrazreda Tip	Tarifni broj	Težina elementa (kg/kom.)	Početno stanje na skladištu (komada)	Uvezeno u obračunskej godini (komada)	Proizvedeno u obračunskej godini (komada)	Izvezeno u obračunskej godini (komada)	Plasirano na tržište FBiH (komada)	Plasirano na tržište RS (komada)	Plasirano na tržište DB (komada)	Zaključno stanje na skladištu (na polugodišnjem nivou)	Ukupan iznos opšte naknade (KM)	Ukupan iznos naknade za upravljanje (KM)	Ukupna naknada (KM)
1	2	3	4	5	6	7	8	9	10	11	12	13	14=5 x 0,01	15*	16=14+15

* Kolonu 15 i 16 potrebno je popuniti ukoliko uvoznik i proizvođač nije u sistemu operatera sistema

Izjava: Pod punom materijalnom i krivičnom odgovornošću izjavljujem da su svi podaci navedeni u izvještaju istiniti, a količine tačne u skladu sa važećom zakonskom regulativom

Ime i prezime ovlaštenog lica:

Potpis ovlaštenog lica:

Mjesto i datum:

Pečat:

Naziv operatera sistema:

Potpis ovlaštenog lica:

Mjesto i datum:

Pečat: